



UNIVERSITÄTS-
BIBLIOTHEK
PADERBORN

Davidis Regii Prophetae Psalterium

Moritz <Hessen, Landgraf>

Smalcaldiae, 1593

VD16 B 3258

Psalmvs XXXVIII. Domine, ne in furore tuo &c.

[urn:nbn:de:hbz:466:1-68864](https://nbn-resolving.org/urn:nbn:de:hbz:466:1-68864)

Non hostile odium his, non vlla pericla nocebunt,
Qui Dominum firmam spem posuere suam.

PSALMVS XXXVIII.

Domine, ne in furore tuo &c.

Arguas ne me, Deus, in furore,
Obruas ne dum tua feruet ira,
Ne meum pœnis grauibus, Iehoua,
Argue pectus.

Nam manus molem: Domine ô, tuaq;
Vindicis virgæ stimulos acutos,
Huic & infixas animæ sagittas
Sentio tristis.

Cum mihi pœnas Dominus minatur,
Tunc meum languet cor, et agra mens est,
Demit & dulcem, scelerum caterua
Tanta, quietem.

Crimina heu cordi mea sunt graua men,
Vnica hæc moles animam molestat,
Fœda sunt delicta, caputq; longè
Transgrediuntur.

Et recrudescit mea iam cicatrix,
Curuus & gibbosus eo, vacillans,

K 2

Atq

Atq; submisso capite erro, lugens
Tristia fata.

Grandis absumpsit mea membra mæror,
Corpus & totum premit aegritudo,
Sumq; mutatus miser, atq; morbi
Nulla medela est.

Eiulo tristis, queror atq; plango:
Atq; totius manifesto cordis
Ima, & effundo lacrymas Jehouæ
Pectoris ægri.

Cor tremit, virtus animi fatiscit,
Robur est fractum, mea fortitudo
Languet, obduxitq; oculis tenebras
Noctis abyssus.

Belluam ceu me fugiunt amici,
Horret agnatus mea fata, turpes
Vulnere hos vultus fugit, & propinquus
Ridet iniquus.

Interim tendunt mihi retia hostes,
Quotq; nouerunt, mala tot precantur,
Et meo technis capiti dolosis
Insidiantur.

Aure sed surda hæc sino præterire,
Instar hic muti nihil aio, nec sum
Hic tamen surdus neq; mutus, at nec
Stratus ab hoste.

Sic ego factus, velut ista nunquam
Audiam, vel sim, velut ille, qui nil
Scit, quod opponat reprobis querelis
Prorsus inermis.

Nam tibi credo, Pater ô, salutem,
Et meum pectus tibi dedo, Ioua,
Tu meam causam, Deus ô, benigna
Percipis aure.

Pes meus firmus nihil ut vacillet,
Te peto: ne cum patior molesta,
Tum mea infestus mihi clade pulcrè
Gaudeat hostis.

Natus in lucem, ut patiar labores,
Perpeti natus placidè dolores:
Et mihi culpa misero grauamen
Pectora torquet.

Criminis pondus Domino recensens,
Nec scelus summo reticens patratum,

*Interim spero Domini salutem,
Labe remissa.*

*Hostis at vivit malus, & quieta
Pace concessa fruitur: malignus
Gaudet, in cunctis benè prosperatur
Atq; triumphat.*

*Me, colo summi quia iussa Patris,
Odit oppugnans malè grata turba,
Pro bono accepto mihi dum rependit
Noxia damna.*

*Deferas ne me, Deus ò benigne,
A tuo seruo, Pater, haud recedas,
Huncq; festines, Domine, adiuuare
Auxiliator.*

PSALMVS XXXIX.

Dixi, custodiam vias meas, &c.

Mente concepi statuiq; quòd non
Ore transgressor temere qd unquam
Sim locuturus: licet astat omnis
Impiaturba.

*Intuens turpes gregis actiones
Improbi, freno cohibere nitar*